

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

OGASUN, FINANTZA ETA AURREKONTU SAILA

Foru Gobernu Kontseiluaren 40/2020 Foru Dekretua, abenduaren 29koa. Onespena ematea Arabako Lurralde Historikoko 2020ko aurrekontuen luzapena 2021eko ekitaldian aplikatzeko irizpidee

COVID-19ak eragindako egoera berriak eskatzen dituen gastu lehentasun egokiak ezartze aldera, Arabako Foru Aldundiak 2020ko abenduaren bigarren hamabostaldira atzeratu du 2021erako aurrekontu proiektua aurkeztu eta onestea.

Arabako Batzar Nagusiek 2021eko ekitaldiko aurrekontuak onesteko egin beharreko izapidea 2021eko urtarrileko lehen egunetan egingo da; beraz, ziurrenik ez dira onetsita egongo aurrekontu ekitaldi berria hastean.

Arabako Lurralde Historikoko Ekonomia eta Aurrekontu Araubideari buruzko abenduaren 18ko 53/1992 Foru Arauaren 87. artikulua xedatzen duenaren arabera, 2020ko ekitaldiko aurrekontuak automatikoki luzatuzat joko dira, berriak onetsi arte.

Artikulu horrek xedapen oso orokorrak jasotzen dituenez, komeni da haiek garatzea bi helburu haiek erdiesteko: a) Aurrekontu jarduketarako irizpideak finkatzea, eta b) Aurrekontu luzatuaren zuzkidurei eraginkortasun juridikoa ematea haren argitalpen ofizialaren bidez.

Foru Dekretu honen xedea da luzapen hau aplikatzeko irizpideak arautzea, erakundeen jardura bermatzeko aurrekontu berriak onetsi arte.

Ikusi da Arabako Foru Administrazioaren Aholku Batzordeak horren inguruan egindako txostena.

Horregatik, Ogasun, Finantza eta Aurrekontu Saileko foru diputatuak proposatuta, eta Foru Gobernuaren Kontseiluak gaur egindako bilkuran gaia aztertu ondoren,

XEDATZEN DUT

1. artikulua.- Xedea

Foru dekretu honen xedea da irizpideak arautzea Arabako Lurralde Historikoko 2020ko aurrekontuen luzapena aplikatzeko, 2021ko ekitaldirako luzatuko baitira, urtarrilaren 1etik hasi eta 2021eko aurrekontuak gauzatzeko foru araua indarrean jartzen den arte.

2. artikulua.- Aurrekontu luzapenaren araubidea

Luzatutako aurrekontuei araubide juridiko hau aplikatu behar zaie: Ekonomia eta Aurrekontu Araubideari buruzko abenduaren 18ko 53/1992 Foru Arauaren 87. artikulua jasotzen duena, 2020ko ekitaldirako aurrekontua gauzatzeko abenduaren 17ko 24/2019 Foru Arauan ezarritakoarekin osatua.

3. artikulua.- Aplikazio eremua

1.- Foru dekretu hau Arabako Foru Aldundiari, foru erakunde autonomoei eta foru partzuergoei aplikatzekoa da.

2.- Foru sozietate publikoei eta foru fundazioei berentzat berariaz araututakoa aplikatuko zaie, baita Ekonomia eta Aurrekontu Araubidearen abenduaren 18ko 53/1992 Foru Arauak 47.2 artikuluan xedatutakoa ere.

4. artikulua.- Luzatutako aurrekontuen zehaztapena eta zenbatekoa

Luzatutako kredituak eta dagokien zenbatekoa Foru Gobernuaren Kontseiluak zehaztuko ditu, behar den adina aldiz, 2020ko ekitaldiko aurrekontua ixteko eragiketak aurrera egitearen arabera, bat etorri Ekonomia eta Aurrekontu Araubidearen abenduaren 18ko 53/1992 Foru Arauaren 87.4 artikuluekin.

5. artikulua.- Luzatutako kredituen araubidea

1.- Luzatutako kredituek Arabako Lurralde Historikoaren 2020ko Aurrekontua Gauzatzearen abenduaren 17ko 24/2019 Foru Arauak xedatutako araubide loteslea izaten jarraituko dute.

2.- Luzapenaldian kreditu handigarritzat hartuko dira, 2020ko ekitaldiko aurrekontuan sartuta egonik, izaera hori zeukaten ordainketa kredituak, hartan ezarritako mugaraino.

3.- Ez dira luzagarriak izango, beste entitate publiko edo pribatu batzuegandik jasotako funtsei dagokien zenbatekoan, 2020ko ekitaldian soilik jasotzekoak ziren sarrera espezifikoekin osorik edo zati batean finantzaturiko kredituak.

6. artikulua.- Finantza eragiketen araubidea

1.- Arabako Foru Aldundiak zorpetze eragiketak itundu ahalko ditu 2021eko ekitaldian, 63.100.000,00 euroko zenbatekoaz, aurrekontu finantziatorako beharrianak estaltze aldera.

2.- Gainerako foru erakundeentzat baimendutako zorpetzearen eta berme ematearen muga 0,00 euro-koa izango da.

3.- Ogasun, Finantza eta Aurrekontu Sailak diruzaintzako unean uneko zailtasunei aurre egiteko behar diren finantzaketa eragiketak formalizatu ahal izango ditu.

4.- Foru sozietate publikoek eta foru fundazioek diruzaintzako zailtasunei erantzuteko behar diren finantzaketa eragiketak egin ahal izango dituzte, baldin eta Ogasun, Finantza eta Aurrekontu Saileko titularrak baimena ematen badie.

5.- Aurreko zenbakietan aurreikusitakoari lotuta, indarrean jarraituko dute Arabako Lurralde Historikoaren 2020ko ekitaldiko Aurrekontua Gauzatzeko abenduaren 17ko 24/2019 Foru Arauak 5. eta 6. artikuluetan jasotako gainerako xedapenak.

7. artikulua.- Langileak

Langileen kudeaketaren arloan, indarrean jarraituko dute, aplikagarriak diren heinean, 2020ko Ekitaldirako Aurrekontua Gauzatzeko abenduaren 17ko 24/2019 Foru Arauak V. tituluan jasotako xedapenak.

8. artikulua.- Ondasun arruntak eta zerbitzuak erostea

Arabako Foru Aldundiak, foru erakunde autonomoek eta foru partzuergoek gastuak egin ahal izango dituzte ondasun eta zerbitzuak erosteko, Foru Administrazioaren funtzionamendurako eta haren eskumenak erabiltzeko beharrezkoak diren zerbitzu eta programei badagozkie.

9. artikulua.- Finantza gastuak eta finantza-pasiboen aldakuntza

1.- Arabako Foru Aldundiak gauzatu ahal izango ditu 2021eko ekitaldia hasi aurretik baimendutako finantza eragiketei dagozkien gastuak edo ekitaldi honetan foru dekretu honen 6. artikuluan ezarritakoaren arabera hitzartzen direnak.

2.- Finantza eragiketa horien interes, kapital amortizazio eta gastuei dagozkien kredituak eman edo hitzartu zirenean araututako baldintzei loturik gauzatu dira.

10. artikulua.- Diru laguntzak eta transferentziak

1.- Xedapen edo hitzarmenetan aitortutako dirulaguntza arruntak edo kapital eragiketarakoak Ekonomia eta Aurrekontu Araubidearen abenduaren 18ko 53/1992 Foru Arauak 87.3 artikuluan xedatutakoaren arabera emango dira.

2.- Estatuko Administrazioari kupo gisa egindako finantza ekarpenak, Euskal Autonomia Erki-degoari bere aurrekontu orokorrak finantzatzeko egindako ekarpenak, eta Arabako Toki Erakundeak Finantzatzeko Foru Funtzaren eta Obra eta Zerbitzuen Foru Planaren kontzeptuengatik Arabako toki erakundeei egindako transferentziak Itunaren Batzorde Mistoaren eta Herri Dirubideen Euskal Kontseiluaren akordioetan zehaztutako zenbatekoetan egingo dira.

3.- Gizarte Ongizaterako Foru Erakundeak kudeatzen dituen eta aldiro jasotzekoak diren familientzako prestazio ekonomikoak eman ahal izango dira 2021eko ekitaldian, dagokien araudia aplikatuz ateratzen den zenbatekoan.

4.- Arabako Foru Aldundiak transferentzia arruntak eta kapitalekoak egin ahal izango dizkie foru sektore publikoko gainerako entitateei eta berak bazkide gisa edo antzerako beste moduren batean parte hartzen duen beste entitateei.

11. artikulua.- Inbertsio errealak

1.- Arabako Foru Aldundiak, foru erakunde autonomoek eta foru partzuergoek aurreko ekitaldian hitzartutako inbertsio gastuak egin ahalko dituzte; bai eta birjartze eta mantentze gastuak ere.

2.- Aurreko paragrafoan ezarritakoaren ondorioetarako, ulertzen da berritze eta mantentze inbertsioetarako gastuak direla Foru Administrazioak ondo funtzionatzeko eta bere eskumenak erabiltzeko beharrezkoak direnak.

12. artikulua.- Finantza-aktiboen aldakuntza

1.- Arabako Foru Aldundiak ezingo du bere garaian indarrean zeuden baimenen arabera lehenago hitzartutako finantza-aktiboen gastuak besterik egin. Gastu horiek 2021eko ekitaldiko eta hurrengoetako konpromisoa betetzeko behar den kopurura mugatuko dira.

2.- Arabako Foru Aldundiak foru sozietate publikoen eta bera partaide den beste sozietate batzuen finantza oreka bermatzeko gastuak egin ahal izango ditu.

13. artikulua.- Batzar Nagusiei jakinaraztea

Luzapen aldiak dirauen bitartean, Arabako Batzar Nagusietara informazioa bidaliko da; hain zuzen ere, Ekonomia eta Aurrekontu Araubidearen abenduaren 18ko 53/1992 Foru Arauak 131. artikuluan jasotakoa.

Lehenengo xedapen gehigarria

Foru sektore publikoak 2021eko ekitaldian eskumenak hartuko balitu eta horrek luzatutako aurrekontuaren zenbatespenean eraginik balu, Ogasun, Finantza eta Aurrekontu Sailak dagozkien aurrekontu aldaketak egiteko espedienteak izapidetuko lituzke, haien behar bezala finantzatzen direla bermatzeko.

Bigarren xedapen gehigarria

1^a.- Luzatutako kredituen zenbatekoaz foru dekretu honen 4. artikuluan adierazitakoa gorabehera, honako jarduketa hauek kreditu gaitzeen bitartez finantzatu ahal izango dira:

Arabako Foru Aldundiko, foru erakunde autonomoetako eta foru partzuergoetako funtzionarioen, lan kontratuko langileen, behin-behineko langileen eta goi kargudunen ordainsari osoen gehikuntza, dekretu honen 7. artikuluan ezarritako baldintzetan.

Kontratu edo lankidetzak hitzarmenetako zenbatekoen eguneratzeak, baldin eta berrikusi edo eguneratu beharrezko prezioak eta/edo kostuak badituzte.

Aurrekontua luzatu den ekitaldian oso-osorik gauzatu ez diren zerbitzuak finantzatzeko kredituen eguneratzeak.

Gizarte Ongizaterako Foru Erakundeak ematen dituen eta aldiro jasotzekoak diren familientzako prestazio ekonomikoen eguneratzea, Foru Dekretu honen 10.3 artikuluan aurreikusitakoa.

Foru erakunde autonomoentzako eta foru partzergoentzako transferentzien eta foru sozietate publikoentzako zein partaidetzako erakundeentzako kreditu zuzkiduren eguneratzea, kontratu eta/edo hitzarmenen zenbatekoak eguneratzeko eta, hala behar denean, langileen gastuak handitzeko.

Euskal Autonomia Erkidegoarekiko Ekonomia Ituna onesten duen maiatzaren 23ko 12/2002 Legeak 51. artikuluan aipatzen dituen itundu gabeko zergetan udalek izango dituzten partaidetzen eguneratzeak Estatuko Administrazioak igortzen dituen zenbateko eta maiztasunarekin aginduko dira.

Finantza gastuei eta finantza-pasiboen aldakuntzari dagokionez Arabako Foru Aldundiak dituen betebeharrak finantzatzeko kredituen eguneratzea.

Arabako Lurralde Historikoko Batzar Nagusiei beren finantzaketa beharrak asetzeko egitekoak diren transferentziak, aplikatzekoak diren arauak jarraituz egingo dira.

2^a.- Aurreko apartatuan aipatutako kreditu gaitzeak ofizios egingo du Ogasun, Finantza eta Aurrekontu Sailak, eta Arabako Foru Aldundiaren sarrera aurreikuspenen (edo kasuan kasuko foru erakunde autonomoaren gehieneko sarrera aurreikuspenen) eta foru dekretu honetako irizpide eta printzipioei jarraituz luzatutako gastu kredituen zenbatekoaren arteko diferentziaren kargura finantzatuko dira.

Hirugarren xedapen gehigarria

Indarrean jarraituko dute Arabako Lurralde Historikokoaren 2020rako Aurrekontua Gauzatzeko abenduaren 17ko 24/2019 Foru Arauak lehenengo eta bigarren xedapen gehigarrietan jasotako xedapenek.

Laugarren xedapen gehigarria

2021eko ekitaldian, foru sozietate publiko eta foru fundazioek dirulaguntzak eman ahal izango dituzte foru dekretu honetako 10. artikuluan ezarritako baldintzetan.

Azken xedapenetatik lehenengoa

Ogasun, Finantza eta Aurrekontu Saileko titularrari ahalmena ematen zaio foru dekretu hau garatzeko eta betearazteko behar diren xedapenak emateko.

Azken xedapenetatik bigarrena

Foru Dekretu hau ALHAOn argitaratu ondorengo egunean jarriko da indarrean eta 2021eko urtarrilaren 1etik aurrera aplikatzekoa izango da, aurrekontu luzapenak dirauen bitartean.

Gasteiz, 2020ko abenduaren 29a

Diputatu nagusia

RAMIRO GONZÁLEZ VICENTE

Ogasun, Finantza eta Aurrekontu Saileko diputatua

ITZIAR GONZALO DE ZUAZO

Finantza eta Aurrekontu zuzendaria

EDUARDO LÓPEZ DE AGUILETA DÍAZ

